

亥 21

7943-6

醫藥叢書

第三集
第六種

張氏白喉證治通攷



中華民國十年冬月鑄版定價每冊

張氏白喉證治通攷

紹興醫藥學報社發行



版藏紹
興裘氏

中華民國十年冬月齡洲安財莊冊



醫學叢書三集序

嘗思中華文明肇自三墳伏羲易經神農本經黃帝內經三皇之書卽三墳也而其中論醫藥者實居其二誠以上古聖神君相莫不以醫藥活人爲首圖故其開天闢地之著作嘉惠後世流澤無窮後世果奉爲規臬莫不立起沈痾救人無算若周之越人漢之仲景晉之叔和唐之思邈繼往開來醫術昭著史冊彰彰可考也自唐迄今良醫世出祖述憲章與古爲新偶有著述其精到之處皆可與本經內經相發明故其留於墨楮間者皆可寶貴也乃自西學東漸競尙新奇本經內經猶欲弁毛棄之何況後世之著述乎然西人之於臟腑論形迹而不論氣化知作用而不知性情故臨證囿於局部而無隔一隔二之治法使習醫者輕棄舊日國粹而徒尙西法其於醫學實無盡善盡美之一日此事僕敢斷言也紹興吉生裘君當世哲學士也慨然以振興醫學爲己任召號同志創立醫藥學報社出報兩種已風行遠近而復廣搜近世之精粹醫書或爲

專家藏本或爲名賢貽稿彙爲醫學叢書初集二集所選各六種已鏤版行世至三集遴選亦六種其研經言吳氏醫案周氏集驗方惜分陰軒醫案皆續前編所未畢外此有葉氏醫案係葉香巖晚年所著張氏白喉證治通攷係錢塘張純庵潤喉證之危險旁搜博採參以己意輯爲成書二種皆佳編也因付梓工將告竣馳書命僕作序僕乃落拓布衣耳學淺才疏伏處衡茅卽大聲疾呼何能取重當世然而區區寸衷固與裘君有同志焉夫氣數之循環無往不復吾中華醫學神聖創垂如日月經天一時或掩於雲霧終當長昭於萬古裘君集此叢書之意以爲其速傳於世也洵可爲當世之幸福其不能速傳於世也亦可爲後世之剝果蒙泉有如魯壁古經當斯文絕續之交而倍覺寶貴已僕願自今以往其重中法者固可奉斯書爲準繩卽重西法者亦宜備此書爲參攷迨至醫學進化中西滙通人人知此書爲必需之書而後裘君之心乃大白於天下

辛酉仲夏愚弟張錫純壽甫氏敬序於奉天立達醫院

醫藥叢書第三集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝為完全藏書格式且為完全國貨

一是集所採各書共計六種皆為極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除附印另議外照定價均無折扣但書業

報社代售者不在此例

一凡各處圖書館閱報社報館學校本會會員本社社友如同時并購全集二



部者當加贈一部

一凡同時并購上百部者不拘全集單種准可附印只收工料但不得另行翻刻

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書目研經言吳氏醫案惜分陰軒案四集徐批葉氏晚年醫案四種繼續前集外餘爲讀有用書樓藏書醫家類簡目激盧醫話其亦六種幅頁較前加增定價仍每部一元六角外埠加郵力一角六分惟因紙價昂貴不售預約



白喉證治通攷敘

沾句 謂受其餘潤也
句通作句求也與也

張子鈍庵旣成白喉通攷越一年爰錄別墨將付殺青猥以僕之少文屬爲序
敘雖然僕何敢哉在昔照鄰見染愈奇思邈之方元晏高譽迺詮太沖之賦僕
經關扁鵲昧其條流筆謝雕龍益之荒廢讀君高製詎能妄歎顧念僕與鈍庵
平生久要後死相責往者洛州之游相與鑽閱六經逍遙百氏曜靈旣匿繼之
以短檠善談無析申之以長帛當此時也亦云樂矣今者九折造微一篇跳出
通閉解滯訂已豕之訛披瞽駭聾發公羊之守於以沾句後人流聲將來必與
君家仲景同垂不朽豈非名山盛業哉不學如僕懵於斯道乃以禮堂寫定使
之首路引嚶毋亦謂臣向讎書不編方伎猶足條其篇目撮其指歸乎夫相知
定文古來共譚僕竊不遜託於無能之辭亦欲敏在讀述庶幾同聲應求且使
京里金匱之論與華陀枕內而其闕孝穆玉臺之作寄江總集中而並傳云爾
元和孫德謙

卒病論雜病論之謠傷寒雜
 朱肱自號無求子宋湖州人
 十年善醫尤遺傷寒潛心數
 奏進徽宗朝授奉議郎醫學
 博士

白喉證治通攷緣起

辛丑壬寅之交天行癘氣盛興吳下白喉陡發傳染相繼始自冬杪以至春夏
 生人之命懸於須臾咄嗟暗鳴已變異物持至寶重器委付凡庸束手告敗可
 弗痛歟余目覩斯慘腹興幾廢哀天枉之幽厄惜墮學之昏迷爰采遺編輒下
 已意竊取長沙卒病之論引伸奉議活人之書專以立意為宗不以能文為貴
 雖無裨於既往庶以貽厥方來云爾壬寅仲夏錢塘張采田授弟萬田寫定自
 記

學宜賢切音研研究也
如探索經義曰學經

鄭丈叔間手札二通

孟劬世兄太守鈴下前飲席之次垂示宏纂白喉方論匆匆未及紬繹比日竊札復行敝居同巷患喉沙暴殂者聞有一門三人能無惻怛誠得高義剖決證原妙方博濟功德詎可量耶用特走一奴索觀大箸俾獲擊究略習經方幸甚幸甚此上敬承動定安隱二月五日鄭文焯頓白

損書會迫人事未及作答此心闕然宏纂三復無間言敬以繳上屬作序少間當落墨也十二日將有滬行旦夕擬走詣一罄積思匆匆不覩縷祇承孟劬仁兄太守起居焯頓首寒食日

醫藥叢書第三集總目

第一種 莫枚士研經言卷三

第二種 吳氏醫案卷三

第三種 惜分陰軒醫案三集

第四種 葉天士晚年醫案卷上

第五種 周氏集驗方續編

第六種 張氏白喉證治通攷



白喉證治通攷

目錄

諸家論略 附痲疹

藥治禁忌 附不治現症

喉症治案 附疑似治案

抉微辨謬

主治驗方 附疹方

白喉證治通攷

錢塘張采田孟劬學弟萬田參校

杭州 王香巖舊藏
紹興 裘吉生校刊

諸家論略 附喉痧

素問至真要大論少陽司天客勝則丹胗外發喉痺頭痛噎腫

案古無所謂白喉也咽喉病患統名曰喉痺靈素以及宋元名家書皆然攷

之經傳傷寒溫病無不有咽喉兼症白喉由於天行癘毒傳染係屬溫病治各不同內經言喉

痺者極多未知何屬不敢妄載惟此有丹胗外發之語與近時白喉兼斑痧

者若合符節故詳錄卷首以爲攷是證者之發源焉

露樞癰疽篇癰發於噎中名曰猛疽猛疽不治化爲膿膿不寫塞喉半日死

羅謙甫曰此病治遲則塞咽喉塞則氣不通氣不通則半日死故宜急治

案此卽後世白喉急症也岐伯謂之猛疽羅謙甫治不鄰吉歹咽噎腫痛嘗

白喉證治通攷 諸家論略



引此爲證眞言白喉者鼻祖也

又案喉症發白者簾珠喉風熱喉乳蛾爛喉痺各候纏喉則黃白二色

虛寒喉亦

有發白者

茲不具載至於結毒生瘡無不根赤頭白亦有腫痛不白者初起時皆然故

喉症白者居多俱可謂之白喉若近日白喉前人未經言及似卽簾珠一類

要之喉痺白喉古今同病不必強立繁稱印定醫人眼目也

如捷要論乳蛾與白喉既日症

異又謂治同騎牆之見吾無取焉

余此書采諸家遺說雖名目未能畫一而病因治法義實

貫通蓋欲爲此症求一至當不易之準繩與從前喉科書體例不嫌出入耳

喉症原有風火虛寒兩大派白喉至於傳染皆係風火壅盛天行癘毒決無虛寒之症余書專爲白喉而作非統論喉科故虛寒喉症概不之及讀者勿

譏其不備也

又案咽喉秘集引吳氏說曰左爲咽屬胃右爲喉屬肺乃一身百節之關呼

吸出入之門內經云一陰一陽結而爲痺一陰者手少陰君火心之脈氣也

一陽者手少陽相火三焦之脈氣也二脈其結於喉氣熱則內結結甚則腫

脹脹甚則氣痺痺者不仁之謂此喉痺之所由名而乳蛾喉閉纏喉等症皆痺類也此言最爲通論治白喉者但遵古善用不必妄爲分析矣

又案白喉本名爛喉痧以余攷之蓋卽痧症一種耳痧與疹爲同病最易傳染所以近世患者治不得手卽發疹子其理可悟內科理法論疹子云此病確爲清汁核器具生炎之病因其血不合法而成故白喉治法敗毒清火必佐以活血透斑方爲合轍若一味重鎮忌表鬱遏旣久無不出疹者至疹已見端不發散則邪毒無從透出發散則以爲有礙咽喉顧此失彼必至束手無策矣此其故皆由諸家喉科從無及兼疹之症而俗醫專守扶微斑疹爲白喉恆有一言而不詳攷源流也不知此關不通白喉永無愈期余書爲此發憤而作閱者諒之

案儒門醫學論痧曰又有一種同是發熱同是喉痛但無紅色患此症者亦多危險且此症易與爛喉痧相混余攷此卽痧書中撲蛾痧一種痧書論此症云痰涎壅盛喘急如鋸痛若喉蛾但喉蛾內腫脹痧只痛而無腫脹形若急喉風但喉風痛而不移痧則痛無一定且痧有痧筋可辨也爛喉痧所以名痧者乃痧疹之別名係時行溫毒所中不得與此等正痧相亂也

傷寒論陽毒之爲病面赤斑斑如錦紋咽喉痛唾膿血五日可治七日不可治
陰毒之爲病面目青身痛如被杖咽喉痛五日可治七日不可治

陳載安曰陽毒者疫邪犯於陽分也熱極傷血故遍體斑斑如錦紋也陰毒
者疫邪入於陰分也咽喉痛者陰分熱毒上壅也

袁雪龍曰細案二證俱有咽喉痛以余竊論瘍科書有鎖喉風纏喉風鐵蟻

纏三證

皆白喉症異名

其狀相似有面色赤如斑者

案論中斑斑如錦紋係指遍體言不蒙上面赤也故與身痛如

被杖相對袁氏比附爲言誤矣

有面色青而悽慘者有吐膿血者有身痛如被杖者有氣喘

急促者有發譫語煩亂者雖有兼證總以咽喉閉痛爲苦猝發之間三五日

可治至七日不減卽無生理豈非陽毒陰毒二證乎

王孟英曰陽毒卽後世之爛喉痧耳叔和謂之溫毒是已治法忌用溫散

溫

宜用散毒亦所不禁

宜用清化

案白喉傳染皆瘟毒疫氣蘊結所成此陰毒陽毒蓋卽趙養葵云感天地非



常之氣沿家傳染所謂時疫者良以瘟疫通鼻鼻通於腦毒入腦中則流布

諸經令人相染矣

本張景岳義

故仲景於此症皆有咽喉痛三字可謂白喉之確

證斑斑如錦紋者鬱熱傷及營分毒邪旁達血絡抑制太甚遂橫決周身即

近時斑疹是也至陰毒一症似不經見然白喉過用鎮藥遏邪不出重者往

往有此候近時死者無不皆然此皆為扶微忌表之論所誤使早從瘟疫法

散毒透斑施治何致如是真不能不痛恨庸醫作俑也

案仲景陽毒主以升麻龍甲湯陰毒則去

雄黃蜀椒此必有誤無庸曲為之解故刪去之

東醫寶鑑論瘟疫曰瘟疫形證或內熱口乾舌破咽塞聲嘶或蘊而結核起於

咽喉頸項之側

此種輕則發頤重即傳染曰喉

布熱毒於皮膚分肉之中

此即斑疹或體熱發斑喘

咳引氣感四時不正之氣使人痰涎壅盛煩熱頭疼身痛增寒壯熱頭強睛疼

甚至赤眼口瘡大小腮腫喉痺咳嗽稠粘噴嚏

案綱目言喉痺一鄉皆相似者屬天行運氣之邪醫存言傳染之痧疹皆瘟

白喉證治通攷

諸家論略

三